



Qurannoo Asilii

Xiinxala Ergaa Geerarsa Dinagdee Oromoo Jimmaa Jaawwii

Dajanee Galataa^{1*}, Taddasaa Jaallataa^{2*}, Guddataa Abdiisaa^{3*}

Muummee Afanii Ogbarruu Oromoo, Yuunvarsitii Wallaggaa, L.S.P. 395, Naqamtee, Itoophiyaa

Axereraa

Kaayyoon qorannoo kanaa ergaa geerarsa dinagdee Ilmaan Jimmaa Jaawwii Maccaa kan aanaa Jimmaa Gannatii jiraatan xiinxaluun addeessuudha. Kaayyoo kana galmaan ga'uufis Aanaa Jimmaa Gannatii deemuun mala akkayyoofi darba dabarsoon Gandoota aanaa kana keessaa tokko kan taate Ganda Adileeqaa Tulluu Caalii irraa tooftaa funaansa ragaalee daawwanna, afgaaffifi marii gareen ragaaleen walitti qabame. Qurannoon kun dhiyaatina Sanyabsaa, gosa beekumsaa (Paaradaayimii) ijaarsa hawaasummaafi yaadiddama haalawaa (Contextual theory) fayyadamuun kan geggeeffame yoo ta'u; ragaaleen mala akkamtaan xiinxalaman. Argannoon qorannoo kanaas dargaggeessi tokko osoo hinfiudhiin dinagdeedhaan ofdanda'uun akka barbaachisu mul'isa. Kunis dargaggeessi fuudhuu barbaadu tokko fuudha dura mana keessa jiraatu ijaarrachuu, midhaan yoo maatii horatu nyaatan olkaa'uufi ogummaa qonnaa qabaachuu akka qabu agarsiisa. Akkasumas, namni hojiitti cimaa hintaaneefi hiyyummaa injifachuu hindandeenye hawaasa naannoo isaan akka tuffatamu, qorqalbiifi hariiroon inni hawaasa waliin qabu mul'isa. Kana malees hiyyummaan carraa osoo hintaane hojjechuu dhabuu irraa akka dhufuufi namni hojjete kamuu hiyyummaa keessaa ba'uun akka danda'amu agarsiisa. Dabalataanis namoonni sooreyyiin kanneen ogummaa meeshaalee qonnaa qqopheeffachuu danda'an, yeroon qonnaa qonataniifi haramaa sirnaan haramatanii hanga midhaan sun manatti galutti cichoominan hojjatan akka ta'aniifi namoonni dinagdeen laafuu ta'an kanneen hojii hinhojjene, ogummaa meeshaa qonnaa qopheeffachuu hinqabne, yeroon haramaa hinharame itti fufiinsaan kan hincarraaqne tokko hojjetee kaan hanqisu akka ta'e agarsiisa. Kana malees, geerarsa kana keessatti dhiibbaa sirni garboonfataa Oromoont Maccaa irraan ga'eefi sun ammoo hiyyummaaf akka isaan saaxile geerarsaan ergaa dabarfatu. Kanarraa kan ka'e, Oromoont hiyyummaaf gadadoof akka saaxilame; hiyyummaan kabaja namummaa kan namarraa muulqutu diina guddaa ilma namaa akka taateefi Oromoont sababa hiyyummaa kabajaafi ulfina dhabee qe'ee isaatti salphatee jiraachaa akka tureefi rakkoon sun ammas akka jiru agarsiisa. Akkasumas, Lafa Oromoont akaakileen abaabileen aarsaa guddaa itti kaffalanii abbootii dhaalchisan; abbootiin ijoolee isaanii daddabarsaa har'a geessisan bulchiinsi yeroo ammaas gibira qote bulaan kaffaluu hindandeenye itti muruun qabeenya ummatichaa saamaa akka jiran agarsiisa. Sababa gibira kaffaluu dadhabuu kanaan har'as abbaan lafaa maqaa abbaa qabeenyaa jedhu baafachuun caasaa mootummaa waliin ta'uun lafa qotebulaa irraa saamaa jirachuu agarsiisa.

Article Information

Article History:

Received: 28-07-2023

Revised: 20-09-2023

Accepted: 19-11-2023

Jechoota Ijoo: ergaa, geerarsa dinagdee, Oromoo Maccaa, qorannoo sanyabsaa, yaadiddama haalaa

*Qorataa Muummee:
Dajanee Galataa

E-mail:
dararaabera@gmail.com

Seensa

Qorannoон fooklooriі dhiyaatinaa mataa isaa kan qabu ta'ee waa'e hawaasaafi beekumsa isaa mana barnootaatti hin baratamne, muuxannoo inni kallattii adda addaan horateefi aartii inni yaada isa kana ittiin ibsatu agarsiisuu danda'a (Sims & Stephens, 2005). Kanaaf, qorannoо kun geerarsi Oromoo Maccaa hangam seenaa ummatichaа ibsuu akka danda'u, Oromoон geerarsaan jiruufi jirenya har'a jiraatu kanaakkamiin akka ibsuufi hawwiin inni egeree isaaq qabu maal akka fakkaatu qorachuun xiyyeeffannoo qorannoо kanaati.

Afoola Afirikaa muraasa kan akka hibboo, mammaaksaaфи durdurii malee afwalaloон xiyyeeffannoo hin arganne. Isaan kunuu kan hawaasa Afrikaa dhihaa qofarratti akka xiyyefataniifi kan hawaasa Afrikaa biroo akka xiyyeeffannoo hin argatiin (Finnegan 2012) ibsite.

Qorannoон fooklooriі Afrikaa irratti erga dalagamuу eegales, kan Itoophiyaa irratti muraasa malee akka hindalagamaniifi fooklooriі Itoophiyaa jedhamanii muraasni hojjetaman fooklooriifi afoola Oromoo akka hinxiyyeeffanne (Asafaan 2015) ibsee jira. Yaada barreessitoota kanaarraa qorannoон fooklooriі Afrikaa dagatamee akka ture, Kan Afirkaa keessaan kan Itoophiyaa ammoo kan biyyoota biroon yoo walbira qabnee ilaalle akka xiyyeeffannoo hinarganne agarsiisa.

Kana malees, qorannoowwan geerarsa irratti hojjetaman muraasa, isaan jiran kunuu dhimmoota Oromoон Maccaa geerarsaan ibsatu qabiyyee isaa, haalaafi ijaarsaa geerarsaa hanga qorataan kun sakatta'e namni qorate hinjiru. Gooroowwan afoola Oromoo

garaagaraa irratti sadarkaa barnootaa 'PhD'n Afan Ingiliziin qorannoowwan geggeeffaman nijiru.

Qorannoowwan armaan olitti eeraman kanniin haala geerarsi keessatti geeraramu, yoomiifi eessatti eenyuun akka geeraramu, raawwii geeraraafi hirmaattonni agarsiisaan irratti hanga qorataan sakatta'e namni qorate hinjiru. Kanaafuu kaayyoон gooroo qorannoо kanaa ergaa geerarsa dinagdee Oromoo Maccaa qorachuu yoo ta'u, kunis qabiyyee geerarsa dinagdee Oromoo Maccaa qorachuufi ergaa isaa xiinxaluudha.

Sakattaa Barruu Walfakkii

Kutaa kana keessatti yaada hayyootaafi qorattoota fooklooriі garaagaraa qorannoо kana waliin firoomina qabantu sakkata'ame. Hojiwwan isaanii sakatta'aman kunis kitaabilee garaagaraa, qorannoowwaniifi joornaalota maxxanfamanidha.

Fooklooriin daawwitii aadaa dhimmoota xiyyeeffannoo addaa barbaadan deddeebi'ee mul'isudha. Hayyootni fooklooriі ammayyaa garee hawaasaa(folk) kan jedhamu garee namootaa kan waan wal isaan fakkeessu tokko kan waliin qaban kamiyyuu, fakkeenyaaaf amantii, hojii, eenyummaa, naannoo jirenyaafi kkf ta'u danda'a (Dundes, 1965) yaada jedhu qaba. Yaada kana Sims & Stephens, (2005) Fooklooriі ummata baadiyyaa qofa osoo hintaane ummata magaalaa, miseensota maatiifi garee hojjettoota hojii walfakkaataa hojjetan birattis kan argamu ta'ee waa'e hawaasaafi akkaataa hawaasni sun waa itti baratu, eenyummaafi ilaalcha inni adunyaa naannoo isaa jiruuf qabu

Dajanee G fi kb

hubachuuf kan nugargaaru ta'ee sonaalee, barteeawan hawaasaa, akkaataa hawaasni sun itti yaaduufi amala inni agarsiisu hammata. Kunis waliigaltee alidilee jechaan (dubbiifi barreeffamaan), duudhaalee hawaasaa (amalaafi raawwiin)fi meeshaalee aadaan argamuu danda'a jechuun mormu.

Ibsi Dundes, Sims fi Stephens kunniin 'folk' garee hawaasaa baadiyyaafi barnoota ammayyaa hinqabne qofa osoo hintaane garee hawaasaa barate, hawaasa magaalaa jiraatu, garee amantaa, hojiifi kan biroon illee walfakakatu kamuu wal caaluyyuu fookiloorii qabaachuu danda'u yaada jedhu qabu. Kana malaees, akka ibsa (Sims & Stephens)tti fookilooriin dubbii afaaifi barreeffamaan dhiyaachuu akka danda'u, akkaataan hawaasni tokko itti yaadu, amalliifi gochoonni inni agarsiisu fookiloorii ta'uu danda'a yaada jedhu qabu.

Afoolli oguma hinbarreffamiin kan afaaaniin daddarbu jiruufi jirenya hawaasaa keessatti baratamaa, kan ta'eedha (Finnegan, 1992). Asafaan (2009) afoolli kuusaa beekumsaa, seenaa, duudhaa, aadaa, ilaaalcha, falaasama, amantii, ogumafi siyaasa madda yookiin mala dhalootaaf ol itti kaayataniidha.

Jeylan (2005) afoolli Afirikaa gaaffii aangoo hawaasa keessatti calaqqisu, mormii namoonni dhuunfaafi gareen hawaasaa rakkoo gama hawaasummaafi siyaasaan qaban ittiin ibsachuuf gargaara jedha. Haata'u malee, walmorkii geerarsa keessa jiru kana ilaachisee geerarsa irratti ragaalee hindhiyeessine. Kanaaf, qorannoo kana keessatti walmorkiin akkamii akka geggeeffamu, qabiyyeen walmorkii kanaa maal akka ta'e, hirmaattonni raawwii akkamii akka agarsiisan, akkaataa geerarsa walharkaa

Jor. Dil. Qor. Adoolessaa-Mudddee 2023, 1(2), 60-72
itti fudhatan ittiin eegalaniifi xumuraman, waldhabdee geerarsa keessatti ka'uu maluufi haala itti furamu qorachuu barbaachisa.

Finnegan (2012) ammoo akkuma hawaasni barate fiilmuin hawaasa bashannansiisu, qajeelchuufi barsiisu awfyalloon hawaasa hinbaratiin birattis ga'ee walfakkaataa qaba jetti. Haata'u malee, awfyalloon hawaasa hinbaratiin qofa osoo hintaane, hawaasa barates bashannansiisuufi barsiisuu danda'a. Akkasumas, awfyalloon dhimmoota jiruufi jirenya ummataa Oromoo yeroo ammaafi darbee kaasuun hawaasa sana jajjabeessuufi qajeelchuu danda'a (Assefa, 2003). Sirbi dhimmoota yeroo ammaa kanneen akka dhiibbaa siyaasaafi piropogaandaa irratti gabaasaafi yaada kennuun dhiibbaa gochuuf faayidaa olaanaa qaba (Finnegan, 1970).

Geerarsi ammoo damee awfyalloo keessaa isa dheeraa waan ta'eef dhimmoota hawaasummaa adda addaa ibsuufi eenyummaa dagatame yaadachiisuuf humna guddaa qabu seenaa kaleessa dabarse, jiruufi jirenya har'a jiraatuufi hawwii egeree ittiin ibsatudha (Isheetee, 2008). Finnegan (2012) akka ibsitetti, geerarsi Oromoo gareen walole lama, bifa walmorkiin kan osoo dirree lolaa hinga'iin gosti tokko gosa biraat ittiin qeequ, geerarsaan natuu caalaa baannatuufi diina ittiin arrabsudha. Geeraraan dugda fardaarra taa'ee ariitiin sochii adda addaa agarsiisaa geerara. Akka yaada kanaatti geerarsa garee wal dhabe lamatu hirmaattota garee ofii ittin jajjabeessuun amilee walitti horuuf fayyadama.

Geerarsi miiraafi fedhii ofii gad fagoo, yeroo baay'ee gammadan ykn yeroo baay'ee aaran kan ittiin ibsatanidha. Geerarsi jabduufi

Dajanee G fi kb

milkaa'ina argatan, injifannoo argatan, yookaan ammoo dhama'anii milkaa'uu dhabuu, dhugaa ofii sarbamuu, diinaan miidhamuufi madaa keessa ofii ittiin himatu. Geerarsi xiiqjin akka nama qabu gochuullee kan danda'u ta'ee gosa sirbaati. Garuu, sirba callisanii dhiichisan miti" jedha. Yaada kanarraa geerarsi gooroo afoolaa amala walaloo qabuufi gootummaa/cimina/ waliin walqabate ta'uu hubanna. Yaada kana ilaachisee Finnegan (1970) yeroo ibsitu, "poetry about both hunting and war seems to involve the same ideas of romance and glory. Some times the same genres of poetry is even used to deal with both like the [Oromo] gheraera or boost, universal among warriors and hunters" jetti. Yaada kanarraas afwalaloon adamooofi lolaa dhimmi isaa kabajaafi jaalalaat akka ta'eefi yeroo tokko tokko ammoo afwalaloon tokkichi adamooofi lolaafis akka gargaaru ibsee, kanaaf fakkeenyi gaariin geerarsa Oromoo akka ta'e agarsiifte. Asafaan (1997) ammoo, geerarsi kan namichi waa jabduu dalage ittiin baannatu, animoosaa himatu, kan ittiin dhaadatu. Faarsaan ammoo namicha waa gaarii dalage takka fkn goota maqaa dhahanii geerarsaan farfatan jedha.

Yaadni kunis geerarsi tokko kan namoonni lolaan ykn hojiin, cimina isaanii ittiin himatan yoo ta'u kan lammaffaa immoo namoota waan gaarii dalagan yookaan gosa ofii kan ittiin farfatan ta'uu hubanna. Kana malees, geeraraan geerarsaan lammisa, haadhaafi abbaasaa fedhi, hawwii, dhibee, komee, gaddaafi gammachuusaa ibsata.

Mala Qorannoo

Gosti qorannoo kanaa qorannoo sanyabsaa ijaraa |(Constructivist ethnography) kan

Jor. Dil. Qor. Adoolessaa-Mudddee 2023, 1(2), 60-72

aadaa hawaasaa qoratudha. Qorannoon kun qorannoo aadaa waan ta'eef yoomessa uumamaa keessatti hojjetama. Kanaaf malli iddatteessuu mala iyyaafannoo(snowballing) fayyadamuun ragaaleen qorannoo kanaa Aanaa Jimmaa Gannatii Ganda Adileeqaa Tulluu Caalii irraa funaaname.

Ragaaleen qorannoo kanaa madda ragaalee tokkoffaa waan ta'aniif maloota funaansa ragaalee dawwanna, afgaaffifi marii gareen funaaname. Qoranno aadaa geggeessuu keessatti maloota funaansa ragaaleen keessaa filatamaafi qorattooni hedduun dhimma itti ba'an daawwannaadha

Malli funaasa ragaalee qorannoo kana keessatti dhimma itti ba'ame inni 2ffaan afgaaffiidha. Afgaaffiin toofaa funaansa ragaalee keessaa tokko ta'ee dhimma odeeffachuu barbaannu tokko irratti gaaffii afaanii qopheessun ragaalee walitti qabachuudha. Bu'uruma kanaan afgaaffii garee yoon dawwanna geggesuun gidduu gidduutti dhimmota ifaa hintaane adda baafachuuf kan hojiirra oole yoo ta'u, afgaaffii gamisa caaseffamoo ammoo namoota geerarsaan beekamoofi namoota daboo irratti geeraruun qooda fudhatan irraa odeeffannoo argachuuf dhimma itti baa'ame. Namoota lakkofsaan shan ta'an waliin afgaaffiin taasifame.


Qorataan tokko marii gareetti fayyadamee qorqalbi dhokataa, gamisa dhokataafi isa ifaa, akkasumas, duudhaafi aadaa hawaasaa tokko adda baafachuuf gargaara (Creswell, 2007). Qoranno akkamtaa dhimma aadaa irratti xiyyeffateef ragaalee funaannachuuf, akkasumas, hubannoo gadi fagoo ta'e argachuuf mariigaree xiyyeffaanno meeshaa

Jimmaa Gannatii garee lama kan qabu yoo ta'u garee tokko nama torba, gareen lammataa nama saddeet irratti hirmaate.



Aanaa Jimmaa Gannatiitti

Ragaalee afoolaa yoo qaaccessinu, xiinxalluufi hiiknu mala hafee tokko yeroo inni hurruubame keessatti xiinxaluu (synchronous)fi seenaa darbe (diachronic) waliin xiinxaluun gaarii akka ta'e (Asafaa 2015, Eshete 2008) addeessu. Qorannoo aadaa xiinxaluuf aadaa hawaasichaa, hawaasicha akka waliigalaatti, haala galumsaa, dhugaawwan garagaraa, hubannoofi xiinxala qorataa, mallatummaafi gochoota bakka sanatti raawwataman walitti fidnee xiinxaluun barbaachisaadha (Given 2008).



Moodelli kun (Given 2008, Eshete, 2008) irraa fooyyefamee kan fudhatamedha.

Kanaafuu geerarsa funaaname mala seenaa, siyaasaafi gochoota hawaasicha keessatti raawwatamanii yaadataman (fkn Lola Kokor, Booji'amuu Abiishee Garbaa), akkasumas haala qabatamaafi yoomessa dhugaa geerarsi sun keessatti raawwatame walitti fiduun qaaccessiifi xiinxalli ragaalee geggeeffame. Ragaaleen malleen kunneeniin walitti qabaman jechootaan dhiyaatanii jechootumaan qaaccessi, xiinxalliifi hiikni kenname waan ta'eef saxaxni qoramnoo kanaa mala qulqulleeffataati.

Dhi'eessaafi Xiinxala Ragaalee

Mataduree kana jalatti ragaalee funaanaman irratti hundaa'uun ergaa geerarsa dinagdee Oromoo Jimmaa Jaawwii keessatti irradeddeebiin calaqqisantu xiinxalame. Kunis geerarsi haalaafi yoomeessa keessatti geerarame irratti hundaa'ee qabiyyeefi ergaa adda adda qaba. Baruu kun garuu xiyyeffannoona isaa geerarsi Jimmaa Jaawwii dinagdee ilaachisee geeraraman xiinxaluun ibsuudha.

Geerarsa Dinagdee

Qabiyyee geerarsa Oromoo Jaawwii Maccaa keessatti dhimmi hojii jabataanii hojjechuun hiyyummaa keessaa ba'uun ragaalee funaanaman keessatti irra deddeebiin ka'eera. Haata'u malee, qorattooni hedduun geerarsa Oromoo kallattii siyaasaan malee gama dinagdeen xiyyeffanno kennanii hinqoranee. Oromoona Jaawwii hiyyummaa diina guddaa mataa namaa gad qabachiiftu jedhee amana. Geeraraan kunis itti fufuun yoo qabaatan namni akka nama jaallatuufi hiyyeessa namuu akka hinjaallanne akkanaan ibse:

*Qabaatan mucaa ta'u
Hunduu nama dhungata
Yoo dhaban budaa ta'u
Hunduu nama tuffata ...*

Geerarsa kana keessatti namni qabeenya qabu mucaa daa'imatti fakkeessamee ibsame. Daa'imni haawaasa Oromoo biratti jaalala guddaa qabdi. Jaalala daa'imaaf qabuuf jecha namni kamuu daa'ima nidhungata. Namni qabeenya qabus akkuma daa'imaan kanatti

Jor. Dil. Qor. Adoolessaa-Mudddee 2023, 1(2), 60-72
jaallatama; kabajaafi ulfina guddaa hawaasa biraan akka qabu mul'isa. Karaa biraatiin geerarsa kana keessatti hiyyeessi budaatti fakkeeffamee ibsame. Budaan hawaasa Oromoo biratti nama yoo ijaan nama ilaale miidhaa namarraan geessisudha. Kanaaf nama budaa ta'e namni kamiyyuu hariiroo gaarii budaa waliin hinqabaatu. Geearaan kunis yoo hiyyooman dinagdeedhaan namaa gad ta'an hawaasa naannoo biratti akka tuffatamaniifi kabaja akka hin arganne agarsiisa. Hiyuummaan kabaja namummaa akka namarraa muulqitu mul'isa. Kanaaf hawaasa Oromoo biratti namni hindalaganne, hojjeteet ofiifi maatii hiyyummaa keessaa yoo hinbaafne hariiroo hawaasummaa inni namoota waliin qabu akka badu mul'isa. Geerarsa kanarraa Oromoona maddi jaallatamuufi jibbamuu, kabajamuufi tuffatamuun dinagdee akka ta'eefi namni tokko jabaatee hojjeteet hiyyummaa keessaa ba'uuf carraaquu akka qabu geerarsaan dhaamsa waliif dabarsa. Geerarsi itti aanus kanuma cimsa.

*Qotataa haramataa
Beelli marsee dadhabee
Tikfataa obaafataa
Deegni marsee dadhabee*

Geerarsa kana keessaatti qotataa haramataa beelli marsee dadhabee kan jedhu nama qonnaatti cimaa ta'e; qotatee ammoo midhaan sana kan sirnaan aramatu qabeenya akka horatuufi beelli akka hindandeenye agarasiisa. Sarara 2ffaafi 3ffaan ammoo nama loon iddoom margaa tikfatu; loon kun erga marga dheedanii yeroon bishaan obaafatu akka hindeegne agarsiisa. Qotanii facaasuun oomisha gahaa nama hin aragachiisu, kan facaafne sana

haramuu barbaachisaa ta'uu, horiis tiksufi bishaan obaasuun barbaachisaa ta'uu agarsiisa Geerarsi kun qotebulaan hojii qonaa cimee akka hojjetu; midhaan qotee facaase yeroon akka haramatu ergaa guddaa dabarsa. Kana malees deegni carraa osoo hintaane nama hinqotanne, qotatee ammoo yeroon hin haramanne; loon hintiksine; tiksus yeroon bishaan yoo hin obaafne nama hojii qonaa sirnaan hinhojjennet hiiyooma, deegayaada jedhu qaba. Kanaafuu namni martuu cimee hojjechuun hiyyummaa keessaa ofbaasu ergaa dabarsa. Namichi hojiitti cimaa ta'emmo akkanatti geerarsaan ofdhaada.

*Kormeen leenca mitiiree
Ittaan beeka mitiiree
Gindii dabaasaa muruu
Gara jallaasaatti uruu
Ittiin bajjii hunkuruu
Dilbii manatti guuruu*

Geerarsa kana nama ogummaa meeshaalee qonaa kan akka gindii muruufi uruu danda'utu geerara. Qotebulaan marti qonaa qotuu nidanda'a, garuu qotebulaan hundi meeshaalee qonaa qopheeffachuu hindanda'u. Ogummaa meeshaalee qonaa qopheessuuun kun hawaasa keessatti kabaja qotebulaan tokko qabu nidabala. Kanaaf geeraraan kun qonaa qofaa miti ogummaas dabalaats akka qabu ibse.

Akkasumas, meeshaalee qopheeffate kanaan bajjii baasuu akka danda'uufi oomisha gaha maatii isaaf barbaachisuu ol waan argatuuf dilbii akka kaa'us addeesse. Dilbiin midhaan osoo hin nyaatamiin mana ba'e yookiin ture jechuudha. Geeraraan kunis hojiitti cimaa waan ta'eef dilbii baay'ee akka

kaa'e; kanaaf ammoo meeshaalee qonaa yeroon qopheeffachuu lafa bajjii qotuu akka feesisu aagarsiisa. Bajjiin lafa qonaa dhiyootti qotamee hinbeeknedha. Kanaaf geerarsi kun meeshaalee qonaa qopheeffachuu hojii qonaa cimanaii hojjechuun madda dinadee akka ta'e mul'isa. Inni hojjeteet hinmilka'iin ammoo akkas jechuun ergaa isaa dabarfata.

*Ilmi abbaa caale karraa
Ilmi abbaa hankaake farraa
Aanaan maaltu farrise
Kanin iddookee hanqisee*

Geerarsaakkanaa nama abbaan isaa sooreessa beekamaa ta'ee ilmi ammoo hiyyeessa ta'etuakkanaan geerara. Ilmi abbaa caale karra jechuun ilmi jabaan ofirra darbee maatiifi fira maqaa waamsisuu danda'a. Ilmi abbaa hanqate ammoo farra, safuudha maqaa abbaa baleessa yaada jedhua qaba. geeraraan kun anaan muultuu farrisee kananakkakee sooromuu dinagdeedhaan fooyya'u dadahabe jechuun aariifi gaabbii keessa isaa jiru ibsata, Kanaaf hiyyummaafi salphina kana keesaa ba'uuf kutannoo akka qabu mul'aisa. Kanaafuu geerarsa kana keessattis geeraraan kun ani ilma abbaa caalu osoo hintaane ilma abbaa hanqaqe jechuun oftuffata. Ilmi abbaa hankaake ammoo farra jechuun jabaatee hojjeteet abbaa caaluu akka qabu gara fuulduraa hojjeteet hiyyummaa ba'uuf akeeka qabu agarsiisa.

*Gaafattii gaafa Sanaa
Gadi jedheen marqaa tolchee
Oli jedheen dafqa cobsee
Xop godheen imimmaan cobsee
Irraan gadeen bareedduu*

*Luka namaa qallisaa
Saalixiin qarxiin tokkoo
Ilma namaa fayyisaa*

Geeraraan kun hiyyoomee gammoojji bareedduu kan Wallagga Bahaa aana Limmuutti argamu deemee rakkina bakka sana jiru ibsuu yaale. Oromoo Maccaa biratti dhiirri nyaata bilcheessuu beekamaa miti. Geeraraan kun ammoo Gammojjii bu'ee marqaa marqatee ofiin of jiraachisaa akka ture, marqaa tolchuun itti ulfaatee dafqa akka cobse agarsiisa. Deemsi karaa gammoojji bareedduu kun dadhabsiisaa akka ta'e saalixii qarxiin tokko jirenya hiyyeessaa akka fooyyessu agarsiisa. Geeraraan jabaatee hojjatee hiyyummaa kana keessa ba'uuf rakkinoota adda addaa argaa akka jirus akkanaan ibse:

*Maalankoore mucaankee
Iddoo dhaladhee hin teenyee
Iddoo garaakoo hingeenyee
Tussoo baala boloqjee
Nyaadheera gaafa bakkee
Qiixxa baala waleensuu
Maali isheenoo wal hingeessuu*

Geerarsa kana keessatti maalan koore kan jedhu maalan balleesse? jechuun balleessaa akka hinqabne hojji dhiisee dhibaa'ee akka hinbeekne agarsiisa. Dhalatee hanga of beeku akka ofijjiiruuf carraaqaa akka jiru addeesse. Hiyyummaa kana keessaa ba'uuf gammoojji deemee tussoo nyaate hojji hojjechaa akka tures agarsiisa. Tussoo baalaan maranii daaraa ibidda qabu keessatti tolchu. Tussoon nyaataa ijoolle qiixxa yookiin daabboo fakkaatu kan daaraa keessatti bilchaatuudha. Tussoo nyaataa ijoolle isheenuu xiqqoo kana nyaatee

Jor. Dil. Qor. Adoolessaa-Mudddee 2023, 1(2), 60-72
ofijjiiruuf xaaraa akka jiruifi hiyyummaa keessaa ba'uuf abdii akka qabu agarsiisa. Namni ijoollummaan hojjetee hinjjiiramiin, gaafa humna qabu hojjechuu dhabuu isaa akkas jechuun gaabbiin geerara.

*Boqolloon birraa dhufaa
Baaduun arfaasaa dhufaa
Humni ganama dhumaa
Qalbiin galgala dhufaa
Eessa abbaakootiin
Walitti fideen ilaala?*

Geerarsa kana nama ijoollummaa isaatti hojjetee of hinjjiiriintu bifaa gaabbiin geerara. Oromoo Maccaa keessayyuu Wallaggaafi Iluutti gosti midhaanii boqolloo baay'ee nyaatama. Boqolloon kun caamsaafi waxabajji faca'ee gaafa gubaa Masqalaa tuttufama. Tuttufama jechuun gaafa asheetni boqolloo yeroo duraaf ayyama maatiin nyaatamu jechuudha. Ijoolleen eegdu guyya kana dursitees dhoksaan nyaachuu dandeessi. Boqolloon mooyyeetti tumamee lenqexamee biddeena ta'a. Biddeenni boqolloo kun baaduudhaan yoo nyaatme baay'ee miya'a. Saani ammoo baay'inaan kan dhalu, ameessi aannan kan qabaattu arfaasaadha. Sababa kanaa Biddeenni boqolloo baaduun baay'ee miya'a us uumamaan yeroon isaan dhufan wal faallaa waan ta'eef ittiin nyaachuuf hinmilkoofne. Akkuma kanaa geeraraan kun humni ganama, qalbiin galgala dhufa waan ta'eefan hinmilkaa'iin hafe yaada jedhu qaba. Milkaa'uu dhabuu isaaf ganama jechuun yeroo ijoollummaa humna qabutti qalbii waan hinqabneef akka hinhojjetiin hafe ibsa. Galgala jechuun gaafa dullumaa yaadaafi

qalbii gaafa horatu ammoo humni sun akka dhumatteefi sababa kanaa akka hiyyoomee hafe geerarsaan garasiisa. Kunimmoo ijoolllee humna qabaatanii qalbii hinqbneef barumsa guddaa ta'a. Kanaaf namni ijoollummaatti xaaruu, dadhabuufi carraaques qaba. Yoo ijoollummaatti hinhojjetiin maatii horatan rakkooft saaxilamu yaada jedhu qaba.

*Jirenya maalii jirraa
Kan qotne namaaf hirraa
Dinnichaaf buqqeen jirraa
Masaanuu dhaddee jirraa*

Geerarsa kana keessatti Oromoont Maccaa jirenya maalii jirra? Jechuun jirenya gaarii akka jiraachaa hinjirre, jiruufi jirenyi keessa jiran akka jibban kan agarsiisudha. Hawaasni kun maaf jirenya jiraachaa jiru akka maaf jibbe yaada jedhuuf geerarsi kun mataan isaa deebii qaba. Kan qotne namoota hinqotiiniif qoodnee dinnichaaf buqqee nyaannee jiraachaa jirra yaada jedhu qaba. Dinnichaafi buqqeen gosa nyaata namni hiyyeessa ta'e nyaatudha. Kanaaf kan qonne namaaf kenninee nyaata tuffatamaa kana nyaannee jiraachaa jirra yaada jedhu qaba. Bo'oo dhumaarra kan jiru 'masaanuu dhaddee jirraa' kan jedhu dhaddeen dinnichaaf buqqee jaallatti. Ummanni qabeenya isaa hormaaf qoodee nyaata hiyyeessa dinnichaaf buqqee sooratanii jiraatu. Dinnichaafi buqqee kanayyuu ammoo kan harkatti qabdu ollaa dhaddeen waan jiraniif jirenya gadadoo, jirenya jibbiisaa jiraachuu isaanii agarsiisa.

Oromoont namni kamuu hojii hojjetee jijjiiramuu, ofjijiiruufi milkaa'u danda'a jedhee amana. Waaqni nama hojii hinhojenneef manatti milkaa'ina hinfiidu jedhee amana.

*Tuttuulanii fe'anii gaariirraa jallatuuree
Tuttuulamanii taa'anii, Waqa komatuuree
Waaqni gaangoodharee
Baatee namaaf fidaaree
Fidee namaaf hiraaree*

Oromoont Maccaa namni harkaafi miila qabu sooreessa. Qabeenyi qabeenya caalu fayyaadha jedhanii amanu. Kunis Waaqni akka ittiin demtuuf miila, akka ittiin hojjettuuf harka erga kenne namni xaaree dhama'ee milkaa'u danda'a jedhanii yaadu. Waaqni akka qabeenya, mirgaafi milkaa'ina namaaf kennu eeguun dogoggora yaada jedhu qaba. Geerarsi itti aanu kunis namni humna qabu kadhaafi gargaarsaa eenyuy iyuu osoo hin eegiin hojjetee jijjiiramuu akka danda'u geerarsaan akkanatti ibsa:

*Foon maddii na qoorekaa
Handaaqqoo guutuu biluu
Saalaan lafa danqaraa
Humnakoo guutuu jiruu
Maaluu nama gabbaraa*

Geerarsi kunis namni humna qabu, keessaayyuu dargaggeessi hojjetee ofjijiiruufi danda'u hiyyumee gadadoof, rakkinaaf harka kennu hinqbabu. Hiyyummaan dhaloota miti namni jabaatee hojjete rakkina keessaa niba'a. Kanaaf osoo humna qabduu nama kadhachuu, sooreessa jala sholachuun hinbarbaachisu, cichanii hojjennaan nama kamiifuu nidarba jechuun sooreessa hiyyeessa ergatuufi tuffatu ittiin qeeqa. Geeraraan kunis hiyyummaa keessaa ba'uuf biyyaa omisha hinkennine gadhiisee gammoojji akka bu'e, achitti

huqqatee foon maddii isaa irraa akka dhume addeesse. Oromoo Maccaa biratti namni harka qallatee jireenyi itti ulfaate fuudhee maatii horachurra biyyaa baduun jirenya hiyyummaa keessaa ba'uuf carraaqa. Keessayyuu naannoo Wallaga Bahaafi Horro Guduruu Wallaggaa keessa gammoojjiwwan nuugiifi Saalixii baasan waan jiraniif dargaggeessi achi deemuun qixxee fuudhee qotuun hiyyummaa keessaa ofbaasa. Gammoojjiin bua'nni marraa fuudhanii qotuun akka mana abbaafi haadhaa namatti hintolu. Beelaafi dheebuus qabaachuu danda'a. Gammoojjiin busaas waan qabuuf dhukkubsachuufi du'unis jiraachuu danda'a. Kana hunda obseefi danda'ee namni hojjetee ofijijiiru hawaasa keessatti kabaja olaanaa qaba. Kanaaf namniakkana cimee hojjetus hawaasa biraab kabaja olaanaa qaba. Keessayyuu dargaggeessi maatii hiyyeessa keessaa dhalatee hojjetee maatiifi ofiillee hiyyummaa keessaa ba'e hawaasa biratti kabajaafi ulfina olaanaa qaba. Namni, keessaayyuu dargaggeessi hojii hinhojenne, adeemtee gabaa dhaabbattu, araqee dhugdu hawaasni naannoo biratti nituffatama. Nama hinxaarrannetti namni durba hinheerumiisuu, durbuu qabdo hindhungattu.

Hawwii qabeenya horachuu Oromoone Maccaa jiruu gara fuulduraa jiraachuu hawwu, abdii egereefi waan milkeessuu yaadu, hiyyummaa keessaa ba'uun fuulduratti waan argachuu barbaadu, bakka isaaf maluufi jirenya gara fuulduraa jiraachuu fedhus geerarsaan ibsata.

*Ilaalikaa abaabbikoo
Maalfaa yaadda naan jedhuu
Maalfaan yaaduu dhiisaaree?
Maalan geessifadheree*

Ilaalikaa abbabaakoo jechuun akka seensa geerarsaatti, dubbii ittiin eegaluuf malee dhimma kana abbaa isaaf seenessa jechuu miti. Geeraraa kana namootni naannoo maalfaa yaadda? jechuun yaaduufi yaadda'uu hinqabdu miira jedhu akka isaaf qaban ibse. Bo'oon 3ffaa wantootni geeraraan kun yaadu, milkaa'inni fuulduraaf eegu baay'eedha, waanuman milkeesse waanuman argadheyyuu hinqabu yaada jedhu qaba. Itti fufuun wantoota argachuuf hawwu akkanaan ibse:

*Qotiyoo gooba toluu
Ari'ee camadachuu
Ammeessa gurruu qabuu
Dubartiin elemfachuu
Kana yaada garaanii
Itti haa baasu karaanii*

Geerarsa kana qotebulaa hormaanni horii qajeeluufii didee hiyyoometu geerara. Oromoone Maccaa dhibbeentaan guddaa hojii qonnaan bula. Lafa qonnaa qotiyoon qotee midhaan oomisha. Namni qotiyoo qabu qotee ofiifi maatii isaas hiyyummaa baasa. Namni qotee midhaan maatii sana waggaa tokkoof tursiisu oomishuu hindandeenye maatiin waan nyaatan dhabuun waan rakkatuuf qotiyeen jiruufi jirenya ummata qonnaan jiraatuuf barbaachisaadha Qotiyootti aanee dubartiin ammeessa gurruu qabu kan aannan baay'ee ba'u elenfachuu akka hawwu, akka barbaadu ibse.

Oromoone Maccaa cubatni inni buddeena ittiin nyaatu baaduudha. Baaduu kana dubartiin aannan itite raastee baaduu baastee isa itichitee bideenattii naqanii dadhaan mi'eessanii nyaatu. Maatiin ameessa hinqabne cubatni ittiin nyaatan ganamaafi

galgala yaaddoodha. Kanaaf qotiyoo ittiin qotataniifi ameessa elfamatan horachuuf hawwiifi fedhii guddaa qabu. Qotiyoon Oromoona namni qotiyoo ittiin qotatuufi ameessa elmatu hinqabne hiyyeessa jedhee amana.

Nama hiyyoome ammoo hawaasni naannoo waan tuufatuuf qotebulaan Maccaa qotiyooofi ameessa horachuuf hawwiifi fedhii olaanaa qabu. Qotiyooofi ameessatti malee wantoota biroo hawwus geeraraan kun akkanatti ibse. Hawwiisa kana galmaan ga'achuuf maatiin isaa danqaa itti ta'uu akkana jechuun abbaa isaa komate.

*Ilmi abbaan sooreessa
Dabtaraafi kobbee bitee
Jedhi baradhu jedhee
Ilmi abbaan hiyyeessaa
Maarashaafi qonyee bitee
Jedhi amma qoti jedhe
Maarashaan lafa hinlixuu
Qonyeen lafa tumataa
Garaan nama gubataa*

Geeraraan kun hiriyyoonni isaa ijoolee sooreessaati; inni ammoo ilma maatiin hiyyeessaa waan ta'eef barnoota barachuuf fedhii guddaa osoo qabuu barachuuf hindandeenye. Hiriyootni isaa maatiin barruuleefi qalama bitanii gara mana barnootaatti yoo ergan maatiin isaammo meeshaalee qonaa marashaafi qonyee bitee fedhii isaa malee akka qonaa qotu taasifamuu isaa agarsiisa. Geeraraan kun fedhii isas ta'uu baatu abbaa isaa garaa ciibsuum jecha qonaa qotuu eegalees baay'ee waan aareef marashaafi qonyeen lafa seenuu jechuun hojii sanas akka dhimma hinbaasiin yookiin itti

hinmilkaa'iin agarsiisa. Oromoona garaati nagubate jedha malee onneetu nagubate hinjedhu. Akka Oromootti kan waajibbu, jaallatu, yaadatu, dagatu sammuu yookiin onnee osoo hintaane garaadha. Oromoona garaa koo irraan sijaalladha jedha malee onnee koo irraa sijaalladha hinjedhu. Kanaaf garaan nama gubata' kan jedhu hiyyummaan akka barnoota hinbaranne danqaa itti ta'uufi barnoota barachu dhabuu isaatti baay'ee aaruu isaa mul'isa. Geerarsa kanaarraa maatiin ijoolee isaa barsisu maatii sooreessa akka ta'e; maatiin hiyyeessaa har'as barnoota argachaa akka hinjirre agarsiisa.

Goolaba

Qorannoo kana keessatti dargaggeessi tokko osoo hinfuudhiin dinagdeedhaan ofdanda'uun akka barbaachisu, kunis dura mana keessa jiraatu ijaarrachuu, midhaan yoo maatii horatu nyaatan olkaa'uufi ogummaa qonaa qabaachuu akka qabu agarsiisa. Akkasumas, nama hojiitti cimaa hintaaneefi hiyyummaa injifachu hindandeenye hawaasni waliin jiraattuu akka tuffatamu mul'isa. Kana malees hiyyummaan carraa osoo hintaane hojjechu dhabuu irraa akka dhufuufi namni hojjete kamuu hiyyummaa keessaa ba'uun akka danda'amu agarsiisa. Dabalataanis namoonni dinagdeen ciccimoo ta'anakkamiin hojjetanii akka sooroman; hojiawan hojjete milkaa'eefi tooftaa ittiin milkaa'e ykn yoo hinmilkaa'iin akkamiin akka milkaa'uuhabe xiinxala isaa dhiyeessa

Geeraraan ciminoota, gootummaafi beekamtummaa warraafi sanyii isaa irraa akka dhaale dhaggeeffattoota amansiisa. Geeraraan ciminoota warra irraa dhaale kanaan hiyyummaafi rakkina keessaa akkamiin akka

Dajanee G fi kb

ba'e, hojiiwwan hojjetee milkaa'eefi tooftaa ittiin milkaa'e ykn yoo hinmilkaa'iin akkamiin akka milkaa'uu dhabe xiinxala isaa dhiyeessa. Kana malees, Oromoorn Maccaa dur callaa galchee wagga guutuu nyaatee irraa hafee dilbii kaa'uu erga bulchiinsa Mootota Itoophiyaa jalatti buluu eegalee akka hiyyoome agarsiisa. Kunis abbootiin lafaa qate bulaa harkaa lafa fudhachuu, sangaa ofiin laficha qotee isaaniif galchuu, lafuma isaatti horii qottee lakkaa'uun kaffalchiisuu, abbootii lafaa malee qotebulaan farda akka hin yaabbnne dhorkuun lafaafi qabeenya Oromoo akka saaman agarsiisa.

Kanarraa kan ka'e, Oromoorn hiyyummaafi gadadoof akka saaxilame; hiyyummaan kabaja namummaa kan namarraa muulqutu diina guddaa ilma namaa akka taateefi Oromoornis sababa hiyyummaa kabajaafi ulfina dhabee qe'ee isaatti salphatee jiraachaa akka jiru agarsiisa. Hiyyummaafi salphina kana keessaa kan ba'uu danda'u ammoo Waaqa kadhatee osoo hintaane ciminaafi tattaaffii dhuunfaafi hawaasa sanaani. Maccaas lafaafi qabeenya isaa abbootii lafaan saamame Oromoo kutaa adda addaa waliin ta'uun bara 1974 deebisee lafa ofii dhuunfate. Lafa akaakileen abaabileen aarsaa guddaa itti kaffalanii abbootii dhaalchisan; abbootiin ijoollee isaanii daddabarsaa har'a geessisan bulchiinsi yeroo ammaas gibira qote buaan kaffaluu hindandeenye itti muruun qabeenya ummatichaa saamaa akka jiran agarsiisa. Sababa gibira kaffaluu dadhabuu kanaan har'as abbaan lafaa maqaa abbaa qabeenya jedhu baafachuun caasaa mootummaa waliin ta'uun lafa qotebulaa irraa samaa jirachuu agarsiisa.

Jor. Dil. Qor. Adoolessaa-Mudddee 2023, 1(2), 60-72

Wabilee

Assefa Tefera (2003). *Towards A Political Sociology of Oromo Literature: Jaarsoo Waaqoo Poetry*. (Unpublished Thesis), Addis Ababa: Addis Ababa University.

Assefa Tefera (2009). *Eela: Seenaa Oguma Oromoo*. Finfinnee: Far-EastTrading.

Assefa Tefera (2015). *Ethnography Of Resistance Poetics Power And Authority In Salale Oromo Folklore And Resistance Culture*. (Unpublished PhD Thesis), Indiana University.

Bohnsack, R. (2004). *Group Discussion and Focus Groups*. In U. Flick, E. v. Kardorff and I. Steinke (edition), *A Companion to Qualitative Research*. London: SAGE Publications.

Creswell, J. W. (2007). *Qualitative Inquiry and Research Design: Choosing Among Five Approaches* (3rd edition). Thousand Oaks, CA: Sage.

Creswell, J. W (2012). *Educational Research: Planning, Conducting and Evaluating Quantitative and Qualitative Research*. New York: Pearson Education, Inc. Retrieved 24/01/2012 from www.pearsonhighered.com.

Dundes, A. (1965). *The Study of Folklore*. Englewood Cliffs: Prentice Hall, Inc.

Eshete Gemedu (2008). *African Egalitarian Values and Indigenous Genres: The Functional and Contextual Studies of Oromo Oral Literature in a Contemporary Perspective*. Norway: Syddansk Universitet.

Finnegan, R. (1970). *Oral literature in Africa*. Oxford: Clarendon Press.

Finnegan, R. (1992). *Oral Tradition and Verbal Arts*. London: Routledge.

- Finnegan, R. (2012). *Oral literature in Africa*: World Oral Literature Series. UK: Open. Cambridge: Open Book Publishers CIC Ltd. Retrieved 06/01/2013 from <http://creativecommons.org/licenses/by/3.0>.
- Given, M. L. (2008). The SAGE Encyclopedia of Qualitative RESEARCH METHODS. London: SAGE Publications, Inc.
- Jeylan, W. Hussein (2005). *The Functions Of Afrcan Oral Arts*: The Arsi-Oromo Oral Arts in Focus. African Study Monographs, 15-58.
- Sims, M. C. & Stephens, M. (2005). *Living Folklore: An Introduction to Study of People and their Tradition*. Logan:: Utah State University Press.